

რადგან სადისერტაციო საბჭოს დებულება ჯერ კიდევ არ არის აკადემიური საბჭოს მიერ დამტკიცებული, ქვემოთ მოცემულ ტექსტს 2015 წლის საგაზაფხულო სემესტრში ექნება მხოლოდ სარეკომენდაციო ხასიათი! შეფასებების ეს სისტემა შეუძლიათ გამოიყენონ პროგრამის ხელმძღვანელებმა სურვილის შემთხვევაში, ხოლო კოლოკვიუმების და სემინარების მოცულობა და გაფორმების წესი კი სავალდებულოა ყველა დოქტორანტისთვის!

### სადოქტორო კოლოკვიუმის შეფასების წესი

სადოქტორო კოლოკვიუმი არის სადოქტორო პროგრამის სავალდებულო კვლევითი კომპონენტი, დისერტაციის შემადგენელი ნაწილი, რომლის განსაზღვრა ხდება დოქტორანტის მიერ.

კოლოკვიუმი 20 კრედიტიანია, ფასდება 100 ქულიანი სისტემით.

დოქტორანტი კოლოკვიუმს ირჩევს sms.tsu.ge -ზე, აკადემიური რეგისტრაციის პერიოდში.

დარეგისტრირების ვადის დასრულებიდან ერთი თვეში სამეცნიერო კვლევებისა და განვითარების სამსახური სადოქტორო პროგრამების ხელმძღვანელებთან კონსულტაციის საფუძველზე შეადგენს კოლოკვიუმის დაცვის საფაკულტეტო გრაფიკს (სემესტრის დასკვნითი გამოცდების პერიოდში ერთი კვირის განმავლობაში). გრაფიკის საინფორმაციო უზრუნველყოფას ახორციელებს სამეცნიერო კვლევებისა და განვითარების სამსახური.

დოქტორანტმა კოლოკვიუმის ბეჭდური და ელექტრონული ვერსია უნდა წარადგინოს ფაკულტეტის სამეცნიერო კვლევებისა და განვითარების სამსახურში დაცვამდე 15 დღითადრე.

სამსახური უზრუნველყოფს კოლოკვიუმის ელექტრონული ვერსიის დოქტორანტის სამეცნიერო და პროგრამის ხელმძღვანელთან ან/და სამსახურის მიერ შერჩეულ რეცენზენტთან გადაგზავნას.

პროცედურების დარღვევის შემთხვევაში დოქტორანტი დაცვაზე არ დაიშვება.

კოლოკვიუმს ქვემოთ მოცემული კრიტერიუმების მიხედვით აფასებს დოქტორანტის სამეცნიერო ხელმძღვანელი, რომელმაც კოლოკვიუმის შეფასება უნდა გაუგზავნოს სამეცნიერო კვლევებისა და განვითარების სამსახურს დაცვამდე არა უგვიანეს 5 სამუშაო დღისა.

დოქტორანტი კოლოკვიუმის პრეზენტაციით (15–20 წუთი) წარდგება დარგობრივი კომისიის წინაშე. კოლოკვიუმის დაცვის პროცესი საჯაროა. დარგობრივი კომისია უფლებამოსილია შეუდგეს მუშაობას, თუ მას ესწრება კომისიის წევრთა საერთო რაოდენობის ნახევარი მაინც.

კოლოკვიუმი დაცულად ჩაითვლება იმ შემთხვევაში, თუ დოქტორანტი მიიღებს მინიმუმ 51 ქულას.

სადოქტორო კოლოკვიუმის შეფასება ფორმდება უწყისში (იხ. უწყისის დანართი 1). დოქტორანტის კოლოკვიუმის ბეჭდური და ელექტრონული ვერსიები და შეფასების უწყისი უნდა ინახებოდეს დოქტორანტის პირად საქმეში, ხოლო დისერტაციის დაცვის შემდეგ დაარქივდეს შესაბამისი წესით. დოქტორანტის კოლოკვიუმის ელექტრონული ვერსია დაცვის შემდეგ აიტვირთება ფაკულტეტის ვებ-გვერდზე.

**კოლოკვიუმის გაფორმება:**

- ელექტრონული ვერსია წარმოდგენილი უნდა იყოს pdf ფორმატში; სახელწოდება უნდა იყოს PhD Colloquium და ავტორის გვარი (მაგ.: PhD Colloquium.Abashidze);
- ნაშრომი აკრეფილი უნდა იყოს A4 ზომის სტანდარტულ ფურცელზე;
- შრიფტის რეკომენდებული სახე – AcadNusx, ან Sylfaen
- შრიფტის ზომა – 12
- სტრიქონებს შორის მანძილი – 1,5 ინტერვალი;
- ფურცლის არესა და ტექსტს შორის მანძილი – 2 სანტიმეტრი;
- ნაშრომის მოცულობა – არანაკლებ 20 გვერდისა.

**სადოქტორო კოლოკვიუმის შეფასების კრიტერიუმები:**

I. სადოქტორო კოლოკვიუმის შეფასება (ფასდება დოქტორანტის ხელმძღვანელის მიერ)	მაქსიმუმ 60 ქულა
ნაშრომის აქტუალობა და სამეცნიერო ღირებულება	მაქსიმუმ 15 ქულა
წყაროების რელევანტურობა საკვლევ საკითხთან; მეცნიერების თანამედროვე მიღწევებისა და უახლესი კვლევების შედეგების გამოყენება	მაქსიმუმ 10 ქულა
არსებული ცოდნის კრიტიკული ანალიზისა და ნაწილობრივი გადაფასების გზით განახლებული ცოდნის ფარგლების გააზრება, ცოდნის გაფართოება	მაქსიმუმ 15 ქულა
ახალი ცოდნის შექმნაზე ორიენტირებული მეთოდები და მიდგომები	მაქსიმუმ 10 ქულა

შესაბამისობა სადოქტორო კოლოკვიუმის გაფორმების წესთან, ცოდნის დასაბუთებულად და გარკვევით გადმოცემა	მაქსიმუმ 10 ქულა
<b>II. პრეზენტაციის შეფასება</b> (ფასდება დარგობრივი კომისიის მიერ)	მაქსიმუმ 40 ქულა
ა) საპრეზენტაციო მოხსენების შესაბამისობა სადოქტორო კოლოკვიუმის შინაარსთან	მაქსიმუმ 10 ქულა
ბ) სამეცნიერო საზოგადოებასთან კომუნიკაცია, პოლემიკაში ჩართვა	მაქსიმუმ 15 ქულა
გ) საპრეზენტაციო მასალის შესრულების დონე	მაქსიმუმ 15 ქულა

### სადოქტორო სემინარის შეფასების წესი

სადოქტორო სემინარი არის სადოქტორო პროგრამის სასწავლო კომპონენტი. დოქტორანტის სასემინარო ნაშრომი არ უნდა იყოს დისერტაციის ნაწილი.

ნაშრომის თემატიკას განსაზღვრავს დოქტორანტი, სამეცნიერო ხელმძღვანელთან შეთანხმებით.

სემინარი 15 კრედიტიანია და ფასდება 100 ქულიანი სისტემით.

დოქტორანტი სემინარს ირჩევს sms.tsu.ge-ზე, აკადემიური რეგისტრაციის პერიოდში. დარეგისტრირების ვადის დასრულებიდან ერთი თვეში სამეცნიერო კვლევებისა და განვითარების სამსახური სადოქტორო პროგრამების ხელმძღვანელებთან კონსულტაციის საფუძველზე შეადგენს სემინარის დაცვის საფაკულტეტო გრაფიკს (სემესტრის დასკვნითი გამოცდების პერიოდში ერთი კვირის განმავლობაში). გრაფიკის საინფორმაციო უზრუნველყოფას ახორციელებს სამეცნიერო კვლევებისა და განვითარების სამსახური.

დოქტორანტმა სასემინარო ნაშრომი უნდა წარუდგინოს ხელმძღვანელს პრეზენტაციამდე სამი კვირით ადრე.

დოქტორანტის სამეცნიერო ხელმძღვანელი აფასებს სასემინარო ნაშრომს ქვემოთ მოცემული კრიტერიუმების მიხედვით.

დოქტორანტმა პრეზენტაციაზე უნდა წარმოადგინოს სასემინარო ნაშრომის ბეჭდური და ელექტრონული ვერსია და ხელმძღვანელის დასკვნა. დოქტორანტი სასემინარო ნაშრომს წარუდგენს დარგობრივ კომისიას (15–20 წუთი), რომელსაც მოჰყვება დისკუსია.

დარგობრივი კომისია უფლებამოსილია შეუდგეს მუშაობას, თუ მას ესწრება დარგობრივი კომისიის წევრების ნახევარი.

სემინარი დაცულად ჩაითვლება, თუ დოქტორანტი მიიღებს მინიმუმ 51 ქულას.

პროცედურების დარღვევის შემთხვევაში დოქტორანტი დაცვაზე არ დაიშვება.

სადოქტორო სემინარის შეფასება ფორმდება უწყისში (იხ. უწყისის დანართი 1), რომელშიც აისახება ხელმძღვანელის მიერ ნაშრომის და დარგობრივი კომისიის მიერ პრეზენტაციის შეფასება. დოქტორანტის სემინარი, ელექტრონულ ვერსიასთან ერთად, შეფასების უწყისი და ხელმძღვანელის დასკვნა უნდა გადაეცეს შესაბამისი პასუხისმგებლობის მქონე უფროს სპეციალისტს პრეზენტაციიდან ორი დღის ვადაში. ზემოთ აღნიშნული მასალები უნდა ინახებოდეს დოქტორანტის პირად საქმეში, ხოლო დისერტაციის დაცვის შემდეგ დაარქივდეს შესაბამისი წესით.

**სასემინარო ნაშრომის გაფორმება:**

- ფურცლის ზომა – A4;
- ელექტრონული ვერსია წარმოდგენილი უნდა იყოს pdf-ის ფორმატში;
- შრიფტის რეკომენდებული სახე – AcadNusx, ან Sylfaen;
- შრიფტის ზომა – 12
- სტრიქონებს შორის მანძილი – 1,5 ინტერვალი;
- ფურცლის არესა და ტექსტს შორის მანძილი –2 სანტიმეტრი;
- ნაშრომის მოცულობა – არანაკლებ 30 გვერდისა.

**სადოქტორო სემინარის ნაშრომის შეფასების კრიტერიუმები**

<b>I. სადოქტორო სემინარის შეფასება</b> (ფასდება დოქტორანტის ხელმძღვანელის მიერ)	მაქსიმუმ 60 ქულა
სასემინარო თემის აქტუალობა	მაქსიმუმ 10 ქულა
წყაროების შესაბამისობა სასემინარო თემასთან	მაქსიმუმ 10 ქულა
შასემინარო თემის ფარგლებში არსებული ცოდნის კრიტიკული ანალიზი და შეფასება	მაქსიმუმ 15ქულა
მეთოდოლოგია	მაქსიმუმ 15 ქულა
შესაბამისობა სადოქტორო სემინარის გაფორმების წესთან, სასემინარო ნაშრომის შესრულების დონე	მაქსიმუმ 10 ქულა
<b>II. პრეზენტაციის შეფასება</b> (ფასდება დარგობრივი კომისიის მიერ)	მაქსიმუმ 40 ქულა

ა) საპრეზენტაციო მოხსენების რელევანტურობა სადოქტორო სემინარის შინაარსთან	მაქსიმუმ 10 ქულა
ბ) სამეცნიერო საზოგადოებასთან კომუნიკაცია, პოლემიკაში ჩართვა	მაქსიმუმ 15ქულა
გ) საპრეზენტაციო მასალის შესრულების დონე	მაქსიმუმ 15ქულა